

Broj: 01-04-6-05137-7/2021

Sarajevo, 17.11.2021. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-04-6-05137-6/2021 od 16.11.2021. godine, Direktor Federalne uprave za inspeksijske poslove, u ime Federalne uprave za inspeksijske poslove kao ugovornog organa donosi

O D L U K U

o izboru najpovoljnijeg ponuđača i dodjeli ugovora za nabavku roba – gume za službena vozila

Član 1.

Prihvata se preporuka Komisije za javnu nabavku broj 01-04-6-05137-6/2021 od 16.11.2021. godine, te se ugovor o javnoj nabavci roba gume za motorna vozila Federalne uprave za inspeksijske poslove po provedenom postupku konkurentskog zahtjeva za dostavljanje ponuda uz primjenu e-aukcije dodjeljuje ponuđaču „Guma VP 200“ d.o.o. Mostar koji je ponudio najnižu cijenu tehnički zadovoljavajuće ponude.

Član 2.

Ugovor sa ponuđačem iz člana 1. ove odluke će se zaključiti pod slijedećim uslovima:

Ugovor sa ponuđačem „Guma VP 200“ d.o.o. Mostar, zaključit će se pod slijedećim uslovima:

- ukupna cijena ponude iznosi: 17.481,60 KM bez uračunatog PDV-a, odnosno sa uračunatim PDV-om 20.453,47 KM,
- **u cijenu su uračunati** demontaža postojećih, te montaža i balansiranje novih autoguma,
- **uvjeti plaćanja:** 30 dana od dana ispostavljanja fakture, u skladu sa budžetskim načinom plaćanja,
- **rok isporuke** je 2 dana od dana svake pojedinačne narudžbe,
- **period trajanja ugovora:** ugovor će se zaključiti na period od 1 (jedne) godine dana od dana zaključenja ugovora od ugovornih strana, odnosno do izvršenja predmeta ugovora.

Član 3.

(1) Ponuđač „Guma VP 200“ d.o.o. Mostar je dužan u roku od 5 (pet) dana od dana prijema ove odluke dostaviti uvjerenja nadležnih organa kojim dokazuje slijedeće činjenice:

- uvjerenje nadležnog suda da nije pravomoćnom sudskom presudom u krivičnom postupku osuđen za krivična djela organiziranog kriminala, korupcije, prijevare ili pranja novca u skladu sa važećim propisima u Bosni i Hercegovini
- uvjerenje nadležnog suda da nije pod stečajem, odnosno da nije predmet stečajnog postupka ili predmet likvidacijskog postupka
- uvjerenje nadležne poreske uprave na osnovu koje se može utvrditi da uredno izmiruje obaveze za penziono i invalidsko osiguranje i zdravstveno osiguranje
- uvjerenja nadležnih organa da uredno izmiruje obaveze po osnovu direktnih i indirektnih poreza.

(2) Dokazi iz stava (1) ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u slučaju da u ostavljenom roku ne dostavi tražene dokaze ili iste ne dostavi na način i u formi kako je to

traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

Član 4.

Po okončanju žalbenog roka ugovorni organ će sa ponuđačem iz člana 1. ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

Član 5.

Ova odluka će se objaviti na web stranici Federalne uprave za inspekcijske poslove.

O b r a z l o ž e n j e

Odlukom direktora uprave broj: 01-04-6-05137/2021 od 22.10.2021. godine, pokrenut je postupak konkurentskog zahtjeva za dostavljanje ponuda uz primjenu e-aukcije za nabavku roba-autogume za službena vozila FUZIP-e.

Nabavka predmetnih roba je predviđena Planom nabavki roba i usluga uprave za 2021. godinu – robe redni broj 4. Procjenjena vrijednost nabavke – 14.200,00 KM, bez PDV-a.

Dana 26.10.2021. godine izvršeno je objavljivanje obavještenja o nabavci na Portalu javnih nabavki, broj obavještenja 1292-7-1-17-3-13/21.

U terminu utvrđenom obavještenjem o javnoj nabavci i tenderskoj dokumentaciji dana 10.11.2021. godine izvršeno je javno otvaranje blagovremeno pristiglih ponuda, kojom prilikom je konstatovano da su blagovremeno svoju ponudu dostavila tri ponuđača, sa cijenama iskazanim u tabeli:

Naziv/ime ponuđača	Ukupna cijena ponude bez PDV-a (sa uračunatim popustom)	Ponuđeni popust
„Guma VP 200“ d.o.o. Mostar	17.481,60 KM	Ne
„EURO DAM JAS“ d.o.o. Lukavac	18.522,03 KM	Ne
„Unitrade“ d.o.o. Ljubuški	19.997,28 KM	Ne

Javnom otvaranju ponuda nisu prisustvovali predstavnici ponuđača koji su dostavili ponudu, niti bilo koja druga zainteresovana osoba.

Nakon javnog otvaranja ponuda Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponuda, potpis i ovjera ponuda, te je izvršen pregled i provjera garancija, obrazaca i drugih dokumenata. Tom prilikom nisu utvrđeni nedostaci koji bi predstavljali razlog za odbacivanje bilo koje od dostavljenih ponuda.

U daljem toku postupka komisija je izvršila provjeru računске ispravnosti dostavljenih ponuda, te tom prilikom nije konstatovala računске greške u istim.

Utvrđeno je termin e-aukcije za dan 15.11.2021. godine sa početkom u 9,00 sati, shodno odredbama Pravilnika o uslovima i načinu korištenja e-aukcije („Službeni glasnik BiH“, broj 66/16).

Postupak e-aukcije je održan u terminu koji je komisija odredila odnosno dana 15.11.2021. godine sa početkom u 9,00 sati i trajao je do 9,10 sati. Komisija je izvršenim uvidom u Izvještaj o toku i završetku e-aukcije, konstatovala da nije bilo podnošenja novih ponuda, odnosno da su ponuđači ostali kod svojih početnih ponuda.

Nakon što je utvrdila poredak dostavljenih ponuda u skladu sa kriterijem „najniža cijena ponude“ komisija je razmotrila prihvatljivost ponude najpovoljnijeg ponuđača, „Guma VP 200“ d.o.o. Mostar sa aspekta ponuđene cijene, a u kontekstu činjenice da je za konkretnu nabavku Planom nabavki obezbjeđeno 14.200,00 KM bez uračunatog PDV-a, odnosno da cijena najpovoljnije ponude prelazi iznos sredstava obezbjeđenih za nabavku. Komisija je konstatovala da je od protekle godine kada je vršena nabavka istih roba došlo do povećanja cijena guma, da je od 1.5.2021. godine promijenjen način označavanja autoguma, te da su istim pooštrena pravila označavanja guma na način da su proizvođači autoguma oznake morali promijeniti na više pogotovo po osnovu buke u dB, što u kontekstu konkretne nabavke koju provodi Federalna uprava za inspekcijske poslove znači da oznake autoguma koje su definisane u tenderskoj dokumentaciji podrazumjevaju gume više kvalitete, čije cijene su samim tim veće. Obzirom da se radi o veoma značajnoj nabavci čija realizacija podrazumjeva stvaranje pretpostavki za postizanje većeg stepena sigurnosti u saobraćaju u kojem učestvuju uposlenici Uprave koji koriste službena vozila, te da poništenje postupka nabavke nije prihvatljiva opcija, pogotovo u uslovima nadolazećeg

zimskog perioda, izvršena je konsultacija sa rukovodiocem Sektora za materijalno-finansijske poslove Uprave, te je zauzet stav da se nedostajuća sredstva za ovu nabavku namire preraspodjelom sredstava sa određenih nabavki za koje trenutno nije izražena urgentna potreba. Isto tako je utvrđeno da su cijene koje je ponudio najpovoljniji ponuđač prihvatljive kada se uzmu naprijed navedeni razlozi koji su uzrokovali povećanje cijena guma u odnosu na proteklu godinu, koje su predstavljale parametar za utvrđivanje budžeta za konkretnu nabavku.

Imajući u vidu naprijed navedeno, direktoru Uprave je dostavljena preporuka broj 01-04-6-05137-6/2021 od 16.11.2021. godine, a u kojoj se predlaže da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču „Guma VP 200“ d.o.o. Mostar.

Prilikom razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.

**DIREKTOR**

Anis Ajdinović

Dostaviti:

1. „Unitrade“ d.o.o. Ljubuški, Hrvatskih kraljeva 23, 88320 Ljubuški
2. „Guma VP 200“ d.o.o. Mostar, Bišće polje bb, 88100 Mostar
3. „Euro Dam-Jas“ d.o.o. Lukavac, Lukavačkih brigada, 75300 Lukavac
4. Sektor za materijalno-finansijske poslove
5. Sektor za tehničku podršku i plansko-analitičke poslove
6. Komsija za javne nabavke (a/a).